



MINISTRY OF EDUCATION AND TRAINING

PRESS RELEASE

NTLHA-KEMO EA LEKALA LA THUTO LE KOETLISO MABAPI LE HO SE ITLALEHELE
MOSEBETSING HOA LITICHERE KA LA 2 -3 PHATO 2018.

01 PHATO 2018

Sechaba sa heso, botsamaisi ba likolo (Board), Baokameli ba likolo (school principals), litichere tse khabane, batsoali le bana ba likolo, ho fihlile tlhokomelong ea Lekala la Thuto le Koetliso, le 'Musu ka kakaretso, hore mekhatlo e meraro ka hara e mehlano ea litichere, e leng Lesotho Teachers' Trade Union (LTTU), Lesotho Association of Teachers (LAT) le Lesotho School Principals Association (LESPA) li ntšitse phatlalatso ea ho kena liponts'ong tsa nyatso khahlanong le Lekala la Thuto le Koetliso ka matsatsi a la 2-3 Phato, 2018.

Sechaba se hopotsoa hore litichere li ile tsa nehalana ka litletlebo tsa bona ho Letona la Thuto le Koetliso le ho Mohlomphehi Tona-Kholo. Letona la Thuto le Koetliso e ka sitana le Mohlomphehi Tona-Kholo, ba ile ba fana ka likarabo tse ngoetsoeng mabapi le litletlebo tseo tsa litichere.

Lekala la Thuto le Koetliso e ka sitana le ofisi ea mongoli oa 'Musu ba bile le liphutheho tse 'maloa le mekhatlo ea litichere ho fana ka khatelo pele le boitlhopiso ba 'Musu ho rarolla litletlebo tsa litichere. Mothating ona, ntumelleng ke thathamise tse ling tsa khatelo pele ea 'Musu oa Lesotho ho rarolla litletlebo tsa litichere;

- (a) Khoeling ea Phupu le Phuptjane 2018 ho lefiloe likoloto tsa litichere tse 582 ka chelete e M18.8 Million;
- (b) Maobane tulong ea Lekhotla la Matona (Informal Cabinet Meeting) ho fihletsoe tse latelang;
- i. Ho theha komitjana ea Matona e tllilo eletsa Lekhotla la Matona hore na litsiane tsa baokameli ba likolo ba neng bale konterakeng ba bile bale “permanent and pensionable” li sebetsoe joang ho ipapisitsoe le likonteraka tsa bona le lekala, boeletsi bo fanoeng ke Ramolao e moholo oa ‘Muso le Melao e tsamaisang litsiane tsa bahlanka ba ‘Muso.
 - ii. Ho hlahloba sehloathiso sa molao se laolang phahamiso mosebetsing oa litichere ka mangolo ‘me Lekhotla la Matona la ikeletsa hore tulong e lateng (formal cabinet meeting) le tla fana ka qeto hore na sehloathiso seo se tsoela pele ho sebetsa kapa se hlakoloe.
- (c) Lekala la Thuto le Koetliso le thehile komitjana e tllilo sebetsana le tlhopho bocha ea mokhoa oa tefo le nyollo mosebetsing (Career and Salary Structure). Komitjana ena ena le boemeli ba mekhatlo eohle ea litichere.
- (d) ‘Muso o entse qeto ea ho hlahloba lenane la litichere khoeling ea Phato le Loetse, 2018 likolong tsohle ho netefatsa lenane la litichere, mangolo a khiri le boitsibiso (National Identity Cards).

‘Muso ka Lekala la Thuto le Koetliso o tla nne o tsoele pele ho fihlela tharollo ea moshoelella litletlebong tsena tsa litichere.

‘Muso ka Lekala la Thuto le Koetliso o hlokometse hore methati eohle ea melao e laolang boipelaetso bona bo khothaletsoang ke LTTU, LAT le LESPA ha e ea lateloa.

Ka hona ‘Muso o ipiletsa ho litichere tsohle le baokameli bohle ba likolo hose ikamahanye le khothaletso ena, ‘me bohle ba lebelletsoe ho iponahatsa mosebetsing joaloka ka mehla.

KHOTSO PULA NALA